

ხელშეკრულება სახელმწიფო შესყიდვის შესახებ N 37

ქ. ხობი

16 მარტი 2016 წელი.

ერთის მხრივ, ხობის მუნიციპალიტეტი (შემდგომში „შემსყიდველი“), მისამართი: ქ. ხობი, ც. დადიანის ქ. N189, საიდენტიფიკაციო კოდი 244688600; საბანკო რეკვიზიტები: ანგარიშის ნომერი: GE24NB0330100200165022; საქართველოს ეროვნული ბანკი. ბანკის კოდი: BNLNGE22; შემსყიდველის უფლებამოსილი წარმომადგენლის გამგებლის გოჩა ქაჯაიას სახით.

და მეორეს მხრივ, ფიზიკური პირი „კანკია მალხაზი“ (შემდგომში „მიწოდებელი“), მისამართი: ხობი, სოფ. ხეთა. ტელეფონის ნომერი: 568640207; პირადი ნომერი: 58001000368; საბანკო რეკვიზიტები: ანგარიშის ნომერი: GE24LB0288870040277166; ს.ს. „ლიბერთი ბანკი“-ს ხობის ფილიალი. ბანკის კოდი: 220101465; მიმწოდებლის უფლებამოსილი წარმომადგენლის მალხაზი კანკიას სახით,

“სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის ს¹ ქვეპუნქტის საფუძველზე გამარტივებული შესყიდვის საშუალებით ვდებთ წინამდებარე სახელმწიფო შესყიდვის ხელშეკრულებას შემდეგზე:

1. ხელშეკრულების ობიექტი

1.1 ხობის მუნიციპალიტეტის ტერიტორიაზე მგლის ერთი ინდივიდის და ტურის 1 ინდივიდის ჩასაფრების წესით ბუნებიდან ამოღება. (მგლის ერთი ინდივიდის ბუნებიდან ამოღება - 330 ლარი, ტურის ერთი ინდივიდის ბუნებიდან ამოღება - 50 ლარი)

1.2 კლასიფიკატორის კოდი-77600000;

2. ხელშეკრულების ჯამური ღირებულება

380.00 (სამას ოთხმოცი) ლარი. (დღგ-ს გარეშე)

3. შესასყიდი საქონლის, სამუშაოს, მომსახურების ხარისხი.

სტანდარტებთან შესაბამისობით

4. საქონლის მიწოდების, სამუშაოს შესრულების, მომსახურების გაწევის ეტაპობრივი

ვადები და ადგილი

4.1 ხობის მუნიციპალიტეტის ტერიტორიაზე მგლის ერთი ინდივიდის და ტურის 1 ინდივიდის ჩასაფრების წესით ბუნებიდან ამოღების ვადა განისაზღვროს 2016 წლის 20 დეკემბრამდე.

5. საქონლის, სამუშაოების, მომსახურების მიღება-ჩაბარების წესი

5.1 შემსყიდველის მიერ შესყიდვის ობიექტის მიღება წარმოებს მიღება-ჩაბარების აქტებით.
5.2 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს გამგეობის ინფრასტრუქტურის, ურბანული განვითარებისა და არქიტექტურის სამსახურის ზედამხედველობის განყოფილების უფროსის მ/შ - გ. იოსავა

5.3 მოწოდებული შესყიდვის ობიექტის შესახებ მხარეთა შორის დადგენილი ფორმის მიღება-ჩაბარების აქტის გაფორმება უნდა მოხდეს შესყიდვის ობიექტის მიწოდებიდან 5 (ხუთი) დღეში. (აქტს თან უნდა დაერთოს ფოტომასალა)

6. ანგარიშსწორების ფორმა, გრაფიკი (ვადები) და ადგილი

6.1 ანგარიშსწორება მიმწოდებელთან განხორციელდება უნაღდო ანგარიშსწორებით მიღება-ჩაბარების აქტის გაფორმებიდან 10 დღეში.

7. მხარეთა უფლება-მოვალეობანი

7.1 პირველი მხარე ვალდებულია დროულად მოახდინოს ანგარიშსწორება, მეორე მხარე ვალდებულია დროულად და წესების დაცვით (იგულისხმება ისეთი ხერხით, რომელიც

გამორიცხავს სხვა სახეობის გარეულ ცხოველებზე ზიანის მიყენებას და უზრუნველყოფს გარეულ ცხოველთა საბინადრო გარემოს შენარჩუნებას) შეასრულოს ნაკისრი ვალდებულება და უზრუნველყოს ღონისძიების შედეგად ამოღებული მგლის ინდივიდის განადგურება დამარხვით ან დაწვით გამგეობის წარმომადგენლის თანდასწრებით, რაზედაც დგება აქტი. დაუშვებელია ამოღებული მგლის და ტურის ინდივიდის, ან მისი ნაწილების გაყიდვა ან რაიმე ფორმით გასხვისება .

8. მხარეთა პასუხისმგებლობა ხელშეკრულების პირობების დარღვევისათვის

8.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9. ფორს-მაჟორული სიტუაციები

9.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევა შესაბამისი დროით, გარემოებათა დასრულების შემდეგ.

9.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

9.3 მხარე, რომელსაც შეექმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს.

10. ხელშეკრულების პირობების მათ შორის ფასების გადასინჯვის შესაძლებლობა

10.1 მიმწოდებელთა დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვის წესი განისაზღვრება საქართველოს კანონმდებლობით.

10.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.4 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას.

10.5 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

10.6 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

10.7 ხელშეკრულების შეწყვეტის გაფორმება ხდება შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

10.8 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს)

ბ) ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 10%-ის ოდენობით.

11. ხელშეკრულების მოქმედების ვადა

11.1 ხელშეკრულება ძალაში შედის მისი ხელმოწერის მომენტიდან და მოქმედებს 2017 წლის 30 იანვრის ჩათვლით.

12. დავების გადაწყვეტის წესი

ურთიერთშეთანხმებით ან სასამართლო წესით

13. სახელმწიფო შესყიდვების შესახებ ხელშეკრულების კონტროლის პირობები

13.1 შემსყიდველი ორგანიზაცია უფლებამოსილია კონტროლი განახორციელოს სახელმწიფო შესყიდვების შესახებ ხელშეკრულების შესრულების ნებისმიერ ეტაპზე.


13.2 ხელშეკრულების კონტროლს განახორციელებს გამგეობის ინფრასტრუქტურის, ურბანული განვითარებისა და არქიტექტურის სამსახურის ზედამხედველობის განყოფილების უფროსის მ/შ - გ. იოსავა

საფუძველი:

1. საქართველოს გარემოსა და ბუნებრივი რესურსების დაცვის სამინისტროს და ხობის მუნიციპალიტეტის გამგეობას შორის 2016 წლის 11 იანვარს გაფორმებული N01 ხელშეკრულება „ხობის მუნიციპალიტეტის ტერიტორიაზე მგლისა და ტურის რაოდენობის რეგულირების ღონისძიების განხორციელების შესახებ უფლებამოსილების დელეგირების შესახებ“

2. გამგეობის ინფრასტრუქტურის, ურბანული განვითარებისა და არქიტექტურის სამსახურის უფროსის ზ. ბუკიას მოხსენებითი ბარათი (N413/06 14.03.2016წ.)

ხელშეკრულება შეთანხმებულია

1. გამგებლის პირველი მოადგილე:  ვ. გაბედავა

2. გამგეობის ინფრასტრუქტურის, ურბანული განვითარებისა და არქიტექტურის სამსახურის უფროსი:  ზ. ბუკია

3. გამგეობის საფინანსო – საბიუჯეტო სამსახურის უფროსი:  დ. ჭოჭუა

4. გამგეობის საფინანსო – საბიუჯეტო სამსახურის შესყიდვების განყოფილების

უფროსი:

ბ. შონია

5. ადმინისტრაციული სამსახურის სამართლებრივი უზრუნველყოფის

განყოფილების უფროსი:

ჯ. ბერაია

მხარეთა ხელისმოწერა და ბეჭედი:

„შემსყიდველი“

„მიმწოდებელი“

ხობის მუნიციპალიტეტის გამგებელი

ფიზიკური პირი

გოჩა ქაჯაია

მალხაზი კანკია

